

邃懷堂全集

邃懷堂詩集後編卷一

寶山 袁翼 穀廉

江城雜詠

抱甕雛僧曉灌畦數株楊柳乳鴉啼大安寺內多荒
葛誰識當年謝鎮西

蕊珠淪謫不多年絕世聰明夙世緣一自夫妻騎虎
去祇留唐韻在吳箋

白雲猶護仙人宅黃菊常開隱士莊各有初心不忘
晉陶彭澤與許旌陽

飄零羈客住南州
月色江聲憶舊遊
吳下阿蒙魂在否
一樽酒滴蓼花洲

贈宜春彭柳橋明經

躡躑名場白髮生
著書辛苦一寒檠
文章時命原相左
香火緣因亦偶成
得卷空憐李方叔
獎才深愧謝宣城
屬君莫挫凌雲志
老鳳終搏萬里程

朱芷汀明經以其尊人孝廉春塢先生墨竹索

題

與可昔畫竹造化資陶鈞
東坡留跋語歎爲遺其身

直節少柔媚君子自寫真迄今七百載墨寶連城珍
文端有賢裔畫竹能通神平生辦香意祇爲湖州申
令子守先澤尺幅霜中筠開幀一披覽瑟瑟風吹巾
蕭疎出幽淡變化涵清新復如瘦蛇走枝葉騫蒼鱗
乃知墨君譜先生得傳薪羅胸破萬卷腕底無纖塵
笑彼塗抹者空效西施顰成竹不在手著手皆生春
心手兩相忘是竹卽是人十日挂齋壁睇玩昏兼晨
挈我夢魂去烟雨瀟湘濱九京渺難作莼苑名未淪
羨君鳳毛美大雅能扶輪翦燭讀家傳濡翰懷先民

早春晚步

桔槔俯仰響鴉鴉
鹿眼籬藏四五家
昨夜試燈風信過
一堆殘雪壓山茶

宿麥生鬚蕨孕胎
江皋冒冷立徘徊
前溪雨暗疑無路
中有一枝柔櫓來

少年子

腳踏深雍鞞紫衫
繡襦襠赤手騎劣馬
不施鞍與繮
燕姬年十五朝暮陽臺雨
傾身傳粉郎不愛大腹賈
昨日探丸斫文吏
今宵射殺南山虎
虎如鼠吏如狗

辱我劍兮汚我手

寒食

姚洪祭掃廿年違愁見春墻紙蝶飛讀罷元常墓田
帖杜鵑聲咽淚沾衣

七夕

鳳仙花搗翠磁盆指甲猩紅一捻痕梁衛侍兒今在
否癡心眞欲問天孫

示章實甫茂才並寄魏默生同年

暫聞兵甲洗天河巢幙翻成安樂窩那有癡兒了公

事卻傳風漢玷巍科山川可惜金銀竭城市時逢魍
魎過和議已成番舶集璿臺百尺起鬼峩

題南嶽碑後

一自文公遊屐返嶽雲千載不輕開毫端勢挾龍蛇
舞腕底聲聞風雨來厯石幾朝摹墨寶故人回首隔
泉臺碑爲湯陰縣令葉端齋同年所貽八年前宿東林寺曾共山僧
話劫灰有僧自南嶽移錫至此寺

初夏病中雜感

江城地溼最傷脾冷暖陰晴總不宜老去漸多鬆手

事病來難覓折肱醫守殘爐竈丹仍走補讀詩書齒
已遲風雨打窗驚起坐斷魂一縷裊如絲
瘦骨伶俜鶴不如自知心腎兩虧虛穿楊技惜成強
末禍棗文嗤拾唾餘醕酎欲傾千日酒疎狂猶草萬
言書年來熱血如湯沸何處冰山可卜居

病後移寓夜坐

一枝棲息又移家近市非貪物易賒紅藕池塘隄十
步綠楊門巷路三叉風檣螢火穿簾押月逼蛩聲咽
砌窪日日楞迦懸肘後願將角帶易袈裟

立秋夜

昨夜秋風響枕邊
寓寮興味益蕭然
瘦還無力尋花蝶
嘶不成聲抱葉蟬
脫穎豈居毛遂後
著鞭已讓祖生先
郎君官貴開東閣
休說南華第二篇

追輓毛申甫

隔歲聞君赴玉樓
酸心空憶少年遊
一官任子纔黃口
君生三歲襲雲騎
尉世職四海知名已
白頭漢上題襟惟我在
江東遺集被人偷
一子貧甚有夫已氏以五
杜陵最痛蘇司業
無復詩筒互唱酬

泊小孤山

空際微聞飯積香亭懸一柱砌苔荒夕陽楓葉翻鴉
背猛雨江聲撼馬當星斗攀來天尺五烟霞圍住水
中央才人老閉吟風閣仙骨塵緣兩渺茫

殘菊次矩亭韻

隱逸詩人久未聞終南捷徑太紛紛漫將絢爛來誇
我每到寒涼便識君收拾餘香誰踏月支撐傲骨尙
栖雲柴桑三度張帆過遙酹先生共薄醺

白衣人記共傾杯籬角天涼日漸隤有客江湖憐影

瘦滿城風雨送秋回相逢處士交彌淡欲展重陽祝
再開莫道范村零落盡貞心不負歲寒催

此花莫作等閒看立遍苔階倚遍欄三徑布成金地
富一秋吟聳玉肩寒能全晚節經霜健獨抱殘枝帶
露乾檀瓣採來囊作枕延年還勝紫瓊丹

悔因五斗折腰支與爾同心結契遲本性豈爭桃李
艷冷香不惹蝶蜂癡捲簾憔悴雙眉翠插帽蕭疎雨
鬢絲老圃流光如夢過嶺頭已放早梅時

徹夜啾啾破壁螢小門深閉綠莎荒琴樽已散登高

會襟袖猶沾耐久香石隱幾人傳話柄風流廿載感
名場此中眞意無榮悴今古南山自夕陽
一溪晴碧暈旋螺掩映寒莖竹數科修到花身稱壽
客別開詩界掃愁魔放翁牀近畦侵蘚靖節園荒屋
補蘿畢竟落英非是落荆公休負讀書多

甯都州道中望金精山追懷魏叔子先生

翠微峰接小蓬壺中有桃源納絹租早恥機雲同入
洛老隨皮陸暫遊吳千重巖壑離塵劫一代文章掃
穢蕪錦暉記曾京輦見易堂風雪夜吟圖

河口

道邊轆轤獨輪車盡說浮梁去買茶野曠山低風不斷前村知有木香花

晚泊沙渚

鬱鬱倚舷立浩歌激清商涼雨從西來暮色接混茫
野草花尙發微帶土氣香沙雁聞人語欲集猶迴翔
遙見楓荻外蠨燈千點光今宵定有夢夢宿星河旁

寒夜

竿木逢場演幾回折腰容易鬢毛摧十年不作娛情

事猶抱寒爐撥死灰

齋壁

忙中日月似奔輪
吏牘沉迷只欠伸
未有文章橫四海
那能賓客坐千人
身將隱矣常思介
論少卑之莫過秦
客甌黃梁今已熟
微官羈滯太無因

春晝

桃笙八尺展紗幮
軟醉三杯日未晡
閒看待兒初睡起
花陰深處弄貓鬚

荒庵小坐

浮生難得片時閒爲踏災區出看山遠渡菰蘆帆一
葉小庵松竹屋三間神龕燈冷疑無焰野碓泉春若
轉輾忽有清香通鼻觀數枝梅放白雲灣

儒門骯髒佛門清木槁灰寒過一生腰瘦敢懸蘇子
印眼昏猶戀退之檠無家便欲歸何處薄宦終難遣
此情消受老僧餉新茗滿廚紅葉煮泥鎗

山行卽景

高下山田曲折經松杉四面障螺屏茅龍屋宇鈎輈
語竹馬兒童癯瘦形古壑風寒神漢綠荒祠日落鬼

燈青使君但覺蒲鞭重說到逋逃不忍聽

曉過蓮華峰下

滿林黃葉鎖寒烟曙色朦朧遠岫顛始信詆諧供奉
語花開十丈藕如船

五月初三日內子徐氏生朝以詩爲壽

榴花紅焰照簾旌設帨筵調百歲羹禮梵喜參金粟
果移家願傍石頭城愛白門山水父如謝奕偏憐女
堦愧安豐亦喚卿三十三年春夢過鬢絲相對話來

生

膝前連歲失雙雛病骨支離束筍枯車笠遍交良友
少心肝嘔盡好詩無

屢以濫交
苦吟爲戒

寒燈落月兒呵硯破

屋秋風婢賣珠回首糟糠那忍說一樽今夕強歡娛
待詔金門歲月淹何曾歸遣細君柑傳琴幸有中郎
女踞竈并無叔夜男巧織璇機連理字時聞紗幔解
圍談布裙椎髻還如舊添得宮袍一領藍

君家先世玉峰西名與河東三鳳齊淞水寓公傳奕
葉洪都薄宦共鹽齋延齡待搗霜千杵偕老思耕雨
一犁爲典金釵新買妾枯楊猶恐不生梯

孫綬彌書來述予昔年贈句云十里鄉關同作
客一年風雨喜聯盟殆作於高子廉讀畫軒
中者久已遺忘首尾亦不知云何因足成一

律仍寄

回頭往事似前生蕭鳳蕭鸞兩弟兄

令兄石琴下世已久

十里

鄉關同作客一年風雨喜聯盟鶴書迢遞傳詩句鯨

島倉皇避甲兵

道光壬寅五月初八日
漢夷入吳淞口

學士家規今未

替立錐無地不勝情

題右軍帖

北伐連年失遠圖
右軍筆札喜臨摹
休言江左夷吾少
殷浩虛名世亦無

題南宋人西湖泛春圖

耆舊無人說汴都
笙歌花月滿西湖
誰知氈殿黃沙裏
已畫吳山立馬圖

病起試筆

窗就溫暾日幃遮
料峭風餅紋蒸十字粥
塊劃雙弓作尉何妨醉
爲丞不礙聾
洞垣無妙術到處訪涪翁

憶昔

曾隨小玉叩銅環繡屨無聲瑟瑟鬟一自仙娥淪謫
後桃花不放五雲山

病嗽呻吟翠袖單花身原是怯風寒沈香甌煮銀紅
米特爲檀奴進一餐

寄隱山莊歌贈李寶之明經

良朋會合有時數咫尺天涯吳越路我住灌城已五
年與君今夕樽前晤憶昔翩翩弱冠齡田何弟子受

羲經

鉅野田若谷師由鎮洋調任寶山君以高弟在幕

鶴江烟月邀春醉鰲

嶼風濤入夢聽我年二十困童試使君謬賞出羣器

土銚能收爨下桐鹽車早脫泥中驥衙齋把臂意纏
綿君是蓬萊小謫仙萬卷圖書孫北海一家花鳥憚
南田敞席爲門窮巷窄踏葉時聞高士屐隔籬呼酒
蟹持黃翦燭論文雞唱白五經閣上絳帷開江左周
郎曠世才師延宜興周保緒先生課諸
公子於尊經閣翼亦受業焉學術常期追
賈董文章猶負敵鄒枚我師奉諱歸東魯小子沉疴
久鍵戶夜雨人棲短簿祠秋風客散春申浦十年買
棹廣陵過重謁濂溪鬢未皤身屬扶風門下士後堂
絲竹許聞歌槐花遊倦長安市粵嶠看山七千里君

隱西湖作寓公小朝廷繹南疆史

君住杭州吳山著南疆繹史二十卷

紀宏光時事

摩挲銅狄忽咨嗟欲弔黃墟候驛餘雙掬淚

珠何處灑孝侯臺與武安家

若谷保緒兩師下世已久

西河老絕

讀書種手校芸編問誰嗔白首無兒比鄧攸黑頭巧
宦輸江總憔悴重逢李十郎夕陽紅樹輞川莊分來
一片琉璃影照此千秋翰墨光酒酣拔劍倚天舞天
道茫茫誰與語招隱詩成君解否同入匡廬最深處

留別安福士民

堂皇原可設蒲鞭濡滯瓜期過一年盈篋謗書疑薏

苴全家骨肉避烽烟

夷貊陷寶山親屬避難來安福

敢忘宦海回頭

岸不用民膏造孽錢撫字催科兩無效便當投劾早

歸田

葵心空戀夕陽暉五十頭顱雪影飛父老猶來送劉
寵刑名究竟薄韓非官評且聽輿人誦材具真貽韞
線譏檢點行裝無長物武功山色滿征衣

野寺小憩題壁

趙州茶與曹溪水滋味嘗來有異無老衲莫將官看
待本來面目是田夫

癸卯閏中次馮子良明府韻

校文眞比校書忙，駒隙匆匆日過光。粉壁先尋前度

句，香醪且酌故人觴。

索酒於內監試張春槎司馬

得隨海客搜珊

網，願乞天孫織錦裳。珍重莫加紅勒帛，返魂丹藥有

元霜。

扶搖搏翮便青雲，局外翻勞屬望殷。墨水一升當飲

我桂花三度總逢君。

予與子良三次分校

傳衣重入華嚴會，束

筓空堆簿領文。今日風簾銀燭底，鬢絲相對雪紛紛。

縱橫塗抹免毫雙，風雨蕭疎破紙窗。神劍自能騰碧

漢明珠猶恐落蒼江才嘲屈宋衙官小氣要幽燕老

將降

子良三次分校皆作詩四首

難得歐梅同此夕豪吟試院潑

茶缸

白袍鵲立漫咨嗟歷盡恆河浩劫沙弓挽六鈞知入

彀箋飛一騎報誰家頻番老眼迷朝霧落拓孤懷感

晚霞多少山公搜薦士李桃雖種少開花

已亥庚子得士共十

五人捷南宮者僅一人

題沈鳳樹國學松棚課讀圖

南州蓮幙久棲遲瓦硯生涯筆一枝萬卷書藏良史

宅千秋業定小兒時
階前蘭桂清香繞
屋後雲山淡墨披
老我風塵慳福慧
青燈滋味屢迴思

冬日同弓篠香明府孫伯施州倅湯雲伯國學
遊西郊古院卽事

踏遍西風落葉聲
招提深處篆煙清
摩挲老桂經千

劫蟠屈靈芝秀九莖

院中桂根生芝大如斗

對奕客非大國手

畫蘭僧是小門生

清漪上人學畫蘭於雲伯是日篠香與上人奕

身閒便覺

雲山好片刻勾留句亦成

一年小別金牛寺
兩地同登白鷺洲

金陵有人物已白鷺洲

隨春夢去風沙仍挾大江流蹉跎事業慚青史潦倒
名場過黑頭倘許南華結香火便將帶髮共焚修

題清漪上人撫松盤桓圖

夢中曾記采華芝鶴骨翛然冰雪姿定是求經元奘
嗣撫松日日望東枝

不須南北問宗風幻影分身入畫中卻憶東坡老居

士惠州裁簡答琴聰

琴聰年十一有道器善鼓琴

九畹幽香筆底傳試拈薔薇共參禪誰追六祖梅花
嶺一鉢飛空美少年

階前丹桂幹峻嶒生出瑤芝有五棱雪笠不歸石濤
老空門書畫少雲初

題勒薌舟學博采蘭潔晨餐圖

人生事最樂讀書與養志寸草感春暉報答談何易
先生仕而隱萬卷窺中秘司鐸爲儒官恥作折腰吏
蕭然苜蓿盤勝於五鼎味平都昨承乏官似釣魚餌
科條旣束縛號令若疣瘡幸從公瑾遊醞酬使心醉
成此沆瀣交掃盡齷齪氣升庭玩花竹入室度經笥
蘭姬旨羹薦萊子綵衣戲烏慈得返哺雞肋眞可棄

况有謝家鳳早登青瑣地示我勸餐圖圖中寫此意
三竺壽者相九華太君帔請補南陔詩再續東山記
春閨小詩

滿枝紅杏醉流霞門外初停碧玉車
髻墜釵垂兩無力阮郎春盡不歸家

寂寞爐香一炷沉薔薇架底露沾衿
春光只在琉璃簾卻怪檀奴別處尋

金絲帳暖貼牙牀瘦損三分點額黃
淡月低雲好天氣梨花也恨別蕭郎

秋草和矩亭韻

自別河梁直至今
緜緜遠道跡重尋
出山已負生平志
劫火難燒不死心
騷客荃蓀香夢杳
故人風雨屐痕深
那堪弱質離披後
始識春暉抵萬金

榮枯遞嬗總生機
數點飛花尙綴埋
玉賦傳千古恨
踏青人減一分肥
波涼南浦催蘭棹
夜冷西堂卸葛衣
料得弟兄吟事倦
鏡中憔悴謝元暉

身世浮踪一葉萍
蘼蕪欲採感漂零
饑鷹側翅眼彌捷
老馬嚙根口尙青
紈扇記誰來撲蝶
紗囊何處再

盛螢小園鬪罷心情嬾細雨門扃杜若汀

零落荒塍廢剝中樵青肩上荷筠籠瘦禁冷露三秋
白低襯斜陽十里紅定有蓬蒿連曲徑更無翡翠戲
芳叢呼龍此後耕煙種鞭起羣羊作雨工

阡陌高低鎖綠蕪半年光景已全殊琵琶夜月魂難
返鸚鵡秋風骨已枯拾翠漸看仙侶少班荆還惜酒
徒孤黃壚添得懷人恨未置門前一束芻

黛影淒迷付白描炎霖炙後又涼颼裙腰前度痕都
褪帽角今年髮更凋繡轂雕鞍同寂寞病螢寒蟀尙

啾噍王孫歸去無多日一半青青一半焦

已無情緒有餘薰每讀離騷便憶君空羨仙根依閬苑最憐才鬼唱秋墳數聲牧笛收殘弄一帶荒原送夕曛翠袖何人修竹倚空階蘚篆不成紋

邊城迢遞接窮荒曾記秋深整橐裝黑衛夜歸沙苑月青袍寒逼薊門霜閒行鹿町多蕪沒欲覓鴻泥總渺茫葵藿早凋心尙戀叨培雨露詎能忘

詠蘭和矩亭韻

誰將蹤跡訪巖阿碧箭新抽玉一窠空谷何曾嫌地

僻同心眞不在言多別饒丰韻成幽艷詎以冰霜受
折磨開到此花聲價重靈均去後莫輕歌

傾國香名壓古今養花天氣半晴陰殷勤佩結三生
願辛苦膏煎一寸心金谷綠珠應作伴湘靈錦瑟久
無音粉脂恐駭瑤華質未許閨人鬢上簪

瓦盎移栽九畹根蕭齋位置傍彝尊座留荀令人如
玉夢醒燕姬月到門淨業參來香祖慧幽姿借得水
仙魂披榛我欲尋君去踏碎青莎屐齒痕

閩紅粵白鬪妍清蘊藉中含旖旎情香草似須荆棘

護空山不覺歲時更數枝倩影蜂偷覷一瓣芳心麝
捏成惆悵王孫已遲暮楚天雲雨不分明

春日郊外散步

微風縹春漪鴨綠濃於染沿溪步躑躅路曲隨峰轉
桃李本無恨雨後淚痕泣黃鸝弄新聲非爲媚人輒
道邊憇行客簪笠坐松阪浮雲出閒態遠岫見孤點
賞心任所遇未憚足力蹇芳草眠白羊遙望雪堆巘

天津樊烈婦歌

世無劉中壘誰記節烈婦烈婦王氏女樊門奉箕帚

夫壻名景桓德器孝兼友晨織蘇蕙機夕春孟光臼
賢聲遍閭黨贊歎及姑舅相期宜子孫伉儷占无咎
不圖兩髦髡龍蛇厄陽九烈婦泣籲天請代滅妾毒
妾身無重輕即身有父母玉樓符已召那得遷延久
化鶴與膠鸞誓必隨其後勺漿不下喉金環已入口
腸中轉車輪有如飲鴆酒六親盡驚訊惜此姬姜偶
謂婦盛年華青燈可獨守何爲自戕生刀斷連絲藕
新婦再拜言多謝意誠厚三良昔從死篇什聖人取
女子殉所天大義豈可負黃泉骨早埋碧血心堪剖

是時天地黑悲風撼戶牖三日屍猶香精魂貫星斗
津門十萬家望空欲稽首煌煌綽楔旌芳名勒瓊
玖作歌告輜軒此歌置座右滄桑或變遷烈婦永不
朽

秋海棠和友人韻

絕憐弱質少扶持蟋蟀鳴階夜雨時離別難銷思婦
淚娉婷不掩小鬟姿豪門金屋卿無分處士書齋我
最宜同一芳名聲價異春陰乞借護瓊枝

無題

水晶眠夢悄無痕氣格蕭疎性格溫十斛綠珠難買
笑一聲紅豆盡銷魂直教天女輸花貌願與仙郎捧
玉樽聞道善才還有後琵琶供奉話開元

翡翠簾開見阿嬌三生艷福問誰消看花未捧囊成
袖踏月曾聽子晉簫繡袂金鈎魚鎖挂石華紺唾麝
塵飄斜通一徑迴車處認得卿家阜築橋

紫清僊牒侍香童身住瑤池第幾宮此日聲名冠南
部他年擡舉屬東風牢騷心緒琵琶裏憔悴光陰卷
軸中一老顏唐花底坐韋青原是惜紅紅

桂廊雲榭足勾留銀蒜低垂不上鉤窺鏡柳眉嬌欲
語倚欄花骨瘦宜秋艷詞祇愛調中婦小字還應號
阿侯官燭燒殘數巡酒露桃獨倚指牽牛

唐箋寫韻本仙才獨立亭亭傍燭臺鶴市欲招簫史
語羊車爭載璧人來淒清子夜初調曲蘊藉丁香未
坼胎老去心情多嬾散爲卿且作復燃灰

小瑯環館酒重攜親見香雲手自鑊錦瑟華年春夢
裏青山門巷夕陽西已無消息遙傳鯉得脫風波尙
駭犀半是蹉跎半孤負相思付與雪中泥

當年一闕柳梢青頭白重來夢已醒記室詩篇名薄
倖校書弟子貌娉婷偶從花市逢油壁未向蓬山叩
玉扃今日樽邊話疇昔水仙琴曲我能聽

小謫紅塵十九年文簫原住大羅天歌傳桃葉無雙
曲修到梅花第一仙搏雪肌膚香在骨吹蘭氣息玉
生烟夢中記折櫻桃樹曉露春衫溼半肩

邂逅瓊洲拾翠妹微聞薌澤洒羅襦神光一片藍田
玉聲價千金赤水珠夢到情天生慧果花參香祖禮
團蒲歸郎席上今重見纖手還勞擊唾壺

芝田館內識靈芬丹穴雛鳳已出羣團扇低擎人似
玉隱囊斜倚夢爲雲年華月上初三夜姿態花開八
九分瘦小舞腰張靜婉天魔新繫鬱金裙

小立梧陰自詠詩枕痕猶印輭紅肌何人僞撰飛瓊
傳有客偷歌得寶詞燭翦西窗通好語豆生南國種
相思春光偏覺歡場短不爲檀奴駐少時

蕊宮仙史是耶非骨重神寒采欲飛心對幽蘭三日
靜態增芍藥一分肥紅牙尙按新翻曲白紵將藏舊
舞衣我是江南老祭酒模糊隔霧看芳菲

登湘江第一樓

山影圍青嶂江光接翠空湘濂環肘腋閩粵鎖喉嚨
雉堞層霄倚虹橋古驛通虔南千里勢收納一樓中
南禪古寺康熙年循吏徐公寓此詢諸邑人罕
有知者感而賦此

樊川垂老鬢如絲補撰韋丹遺愛碑座上衣冠誰復
憶井中心史總留疑老僧化去藏遺蛻壞壁傾頽失
舊詩何處更尋樂布社青華門外草離離

梯田行

五丁鑿巖鳥道通人力便可爭天工礲肥不分上中
則界畫祇算什百弓層梯曲磴挂霄漢四圍蒼翠烟
冥濛龍鱗原隰遶鹿町鴉嘴鉏鍤開蠶叢割園仰抱
下弦月垂腳斜跨雙彎虹飛泉倒瀉接以笕引入方
罍漣溶溶上畝盈科注下畝次第灌漑高低同山陰
道上見此景水簾十桁珍珠蘖雲頭架屋雞犬響松
杪轉碓波濤春一犁黃犢小於蟻翩翩笠影摩青穹
柴門重疊啟蜂戶稻花香滿東西峰神祠擊鼓共祈
禱田祖歲歲憐山農慎勿焦旱吹融風

登砥瀾閣

灘前金蝦蟆，與石虎鬪。山根裂雲縫，浪腳穿雪竇。
化工本無心得，此瘦縐透玲瓏。已萬象神僧不須咒。
巋然聳傑閣，霧氣溼重雷。耳怖雷霆聲，手接星斗宿。
造物憫衰憊，佳景預營構。芥子藏須彌，五嶽免奔走。
壺中有九華，定可奪奇秀。寄問葛仙翁，丹砂幾時就。

過會昌峽

劈開青芙蓉，湘水瀉如帶。潮音奏鐘鼓，飛度百里外。
舟底磯齒齒，助以響滂湃。觀音不壞身，欄檻宿殘靄。

疑此與天通手挹玉霄瀼風力逆復順帆腳卸還挂
盤空壓崢嶸派流出險隘潛潭有饑蛟聊舉一樽酌
癸卯四月雷雨蛟起峽石分裂

十月十四日度軍門嶺至羊角堡望漢仙巖途

中成二十六韻

天時雜閩粵十月氣溫暖野花尙抽妍木葉已微蹶
雖乏治蒲政每懷拔薤感此鄉多椎埋搜捕恐稽緩
昔年戰爭地風景剝淒慘筠嶺何則劣南嶽一支纂
左以籍八閩右以扼五管一夫能當關萬甲皆破膽

金湯豈在大勢足障全贛仰視絕壁懸梯磴鑿崖窾
僕從曳芒屨官長屏騶繖畏日且露頂招風欲偏袒
伍伯導我前趨步避石卯遙指漢仙巖松杉蔽樓館
元猿啼杳冥玉虹挂嶽嵌聞有煉丹臺飛梁永隔斷
未窺眞面目蠟屐惜無伴成仙非難事心地要疎散
束縛塵網中清福享宜罕留此味回甘譬諸食橄欖
高岡目方縱斜曜光忽澹行行十五里羊角水澄澈
孤城小如斗屯卒力哇曠開荒二百載漸覺地平坦
茅亭得少憩烹泉共洗盥白雲滿我衣舉手不能攬

望盤古山

盤古未生時此山已先有盤古既死後此山仍不朽
千巖萬壑中巒嵒獨昂首渾沌待椎鑿石質盡頑醜
疑無蹊徑通恐有虎豹守寺僧蒔茶薺香味洵悅口
聲價日珍貴不脛四方走物產豈殊種得氣自腴厚
山茗已嘗啜山靈未結友木葉漸凋落半面露仙阜
飛泉冽以甘靈洞邃而黝他日簿書暇雲扃試親叩
相攜盧陸儔槍旗細評剖定公肯招邀七椀腹能受

復登砥瀾閣

水府瑤祠閣登高屐復臨悍民猶帶劍俗吏敢鳴琴
舟去各南北江流無古今岸邊蒼石上百道緯痕深

白鳳山早行

羣雞唱曉天未明篋炬灼爚圍火城冥濛凍霧化作
雨灑面點點飛沙輕陂陀僕從影出沒竹轎杙艱肱
支撐青山依舊百千級白鳳飛去九萬程耳邊似聞
奏簫籟兩腋健挾松風行亂泉奔澗駿馬駛怪石當
路麒麟獮暗中佳景費摸索金烏銜出紅銅鉦造物
白具關李手金碧圖嶮須臾成南陲地僻阻遊屐不

與盧阜同傳名天圓滅度紫雲燬誰與小坐談無生
竈烟百道起木杪比戶早飯炊藜羹途傍野叟倚筇
立彷彿猶說官長清吁嗟吾老將歸耕

莊準道中野店

山行犖确石徑遙投宿矮屋如漁舫牆泥縫裂雨垂
線牕紙孔多風奏簫蝙蝠掠燈影魑魅拊欄擎扇聲
蕭蕭一星寒爍照無寐靜聽米篩灘上潮

讀史

卧榻豈容人鼾睡燕雲其奈未收回專城盡號邊和

尙宣室誰徵賈秀才萬里潮通渤泥島三更月冷髑
髏臺滄波未靖鯨魚鬪一任王郎斫地哀

伏波橫海少樓船蜃氣蒼茫列市廛屠販爭傳封墨
敕度支方議告緡錢金繒納款卮常漏燕雀棲堂瓦
尙全辛苦湟中韓校尉流民無事督開田

葶臍歎

爾雅不熟謝尙譏方音沿誤呼葶臍豈眞尤物壓羣
蔬田家歉歲聊充飢龍鬚蘊蘊青萬畝淺水風縐玻
瓈漪甘甜遠遜酒泉柰鬆脆難敵哀家梨會昌古爲

百越地立縣自宋咸淳時石螺四面繞層嶂中有沃

土饒鳧茈

石螺至在會昌南境距城一百二十里中有平壤約二十餘畝土人種芋臍甚美遠

近著名每年收五六百石此一里外已屬常品

何人作俑貢

天府監司

羽檄來催追瓊漿夜搗玉杵臼重羅滲漉冰凝脂雖

非魚目混珠顆略似野鶩更家雞

鮮新者不能貢又漿清不能成粉安

遠芋臍味甜漿濁製粉極佳購以充貢

有司剗肉補瘡痂究竟一字成

爲欺

聖皇儉德嫺堯舜菲食詎圖口腹私遠方賒

費尙停獻況此烏芋非珍奇浙燈蚶菜古賢諫惜無

封事陳

丹墀粉貢之外有私饋篚筐千里雲帆馳

齒牙餘惠逮闔僕長官各署如年規那知數日變香
味嚼蠟未足供朶頤勞民傷財百餘載大東杼柚風
人悲作歌留待輜軒采竊比坡公歎荔枝

潢南道人遺琴歌爲朱芷湘大令作并示萬山

人

琴背龍池內款識嘉靖歲次甲子七月之吉
且益國潢南道人獲古良材雅製洪都淦桂
奉命按式監斲

紅羅夜障朱家里六葉皇枝毓麟趾茂陵之子裕陵
孫金璽桐珪照肝水吾聞周郎工琵琶竹枝新聲譜

謝家又聞端清解音律樂舞圖成斲琴瑟西園賓客
東平書聲色狗馬聊自娛才疏志大覲非分眞鐸高
煦爲前車益國恭王繼兄後翰墨才名冠羣后玉几
清閒好鼓琴海山仙曲成連手黃金懸價購梓桐欲
求良匠無雷公洪都有客應王教龍齧鳳額雕鏤工
搖山樹老雪霜蝕寡女絲苦精神通垂簾想其一再
弄宣爐香篆生旋風八十一年滄桑變大藩臺榭荆
榛徧彷彿隋家蜀國王人間流落琴千面爨聲唧唧
焦尾良雅器似待傳中郎使君今日絃歌地帝子當

年帶礪疆嘉靖甲子秋七月池孔旁窺字分列琴工

易世遺雲初資聖寢園少碑碣南昌琴匠尙有姓涂者恭王墓在建昌府

資聖何人能識旌陽桐惟有吳興趙松雪憶我曾見

匏菴書跋尾潢南妙波折吳門見吳匏菴眞書冊頁有潢南道人跋尾山

人頭白彈此琴琴中慷慨多古心叔夜廣陵散仍在

側身四海無知音萬山人名濟才安義人善鼓琴爲章門第一手瀟瀟春雨

芭蕉響迸入瑤天鸞鶴吟

王夫人繡觀音像歌爲朱芷湘大令作

眉娘手裁一尺絹能繡法華經七卷吳宮更聞有趙

姬五嶽真形繡足練針神巧可奪天孫萬縷玲瓏菩
薩線琅瑯才媛及笄年卅字香焚大士前詠絮已誇
謝道韞買絲欲繡趙平原妝嚴瓔珞金身影譜度鴛
鴦玉指尖粉閣清修六根淨鏡臺卻下溫郎聘一軸
靈真付比耶蓮龕供養心心印雙棲鵲翼樹連枝徐
淑秦嘉伉儷隨慧果共參三昧業微蘭深締百年期
東陞法雨爛香界南海慈雲現色絲鹿女拈花便成
佛璣閨小示維摩疾綏嶺方吹子晉笙湘江遽撒靈
娥瑟遺挂生塵簾竟牀空房永鎖嫁衣裳祇園已惜

成荒礫錦贖還愁失古囊金門射策飛鳬早仙吏輕
輅反江表偶向招提遇老尼爲言菴徙東徐道曾識
王家林下風五紋手澤珍藏好昨夜迦藍夢告知今
朝完壁仍歸趙此際文簫意倍哀唐箋追述綵鸞才
吳生水墨文殊畫同奉旃檀七寶臺韻事傳來詞苑
重世尊弟子皆情種鴻爪存亡雪裏尋鳳函縹緲雲
間捧使君翦燭話前因回首星霜三十春黃絹誰題
曹孝女翠珉重鐫管夫人

管夫人有手鐫
玉版觀音像

肩輿行山中口占

黃雞瘦小濁醪酸父老殷勤餉長官始信深山留太古此間不用說申韓

今朝又喜麥秋陰清氣撩人滌暑襟身入松林天似墨微風過處萬龍吟

正是鳩啼鵲乳時柴扉低護槿花枝雲梯百級盤旋上忽見菱荷數畝池

架樹迴環野碓橫前山雨過後山晴似聞茅屋嬰兒語不信空中霹靂行

舍南牧豎叱鳥犍舍北漁翁刺釣船一縷白雲橫作

帶山腰截斷綠楊烟

續梓拙集自歎

難消結習悔應遲一炷爐香隱几時
馬革豹皮留壯語屈魂鮑鬼借靈思
俟囊安用常伸手混沌何煩更畫眉
詩格太卑官職賤命宮磨蝎不須疑

除夕守歲

大夢誰先覺今宵倍愴懷
興隨華髮減事與素心乖
歲律璇箭轉春聲臘鼓佳
金鳥催晚序竹馬憶同儕
綠蟻初浮盞紅梅漸馥階
辟寒爐待燕聽識鏡頻揩

黍臚鄰分榼桃符婦綴釵衣冠成代謝薪米費安排
詎作藏彊戲聊供礮磨齋無才詩懶祭有恨硯思埋
我少癡歎賣人欣暖熱偕兒孫聚泉壤兄弟隔江淮
學業嘲書簞功名愧箭筈勞難償搭膝病欲乞衰骸
冉冉年將邁錚錚俗寡諧徘徊朝旭上烏鵲噪庭槐
鷺湖蓮瑞圖詩爲同年吳薌泠大令作

鷺湖山下仙吏來甘棠八載村村栽鷺湖山下仙吏
去金蘭百歲榮南陔羨君綰綬作眾母羨君舞綵仍
嬰孩簿書束笋本鞅掌不如手捧萱幃杯我昔五羊

看山水論交縞紵皆鄒枚延陵伯仲未識面流聲入
耳鳴春雷竭來江右久趨鼓與君把臂聯岑苔爲言
陳情乞歸養慈烏返哺晨昏催爲言菡萏應家瑞同
莖並蒂池中開九苞雛鳳翥丹彩一枝桂萼擥香魁
玉堂衣鉢在天上會當射策登蓬萊太君福壽無量
算弄孫騎鹿銀爲胎祥和草木得先氣他年象笏牀
盈堆封胡遏末競題畫琳琅錯雜雙玫瑰章門夜雨
對春酌十日小住神徘徊紫溪父老倘相見口碑定
說龔黃才

題松溪老人黃山圖

奇莫奇於黃山松山鱗露爪成虬龍幻莫幻於黃山
雲陰晴朝暮五色分我讀黃山紀遊錄瑰怪迷離蕩
心日泉飛珠玉千百重峰削芙蓉三十六吳儂本是
江南客踏遍名山雙蠟屐茲山未到徒夢想何處金
臺與瑤闕松溪老人今大癡驅山走水筆一技能以
隸法變皴法墨花噴薄何淋漓君不見圖中松幹瘦
且拳蒼髯白甲蛻骨仙又不見圖中雲海波濤連穿
崖渡澗如披綿松身雲態永不滅世界別有鴻濛天

題詩一首盟息壤青鞋布韞他年往

爲曾受恬大令戲題鍾馗食魍魎圖

度朔山神喜啖鬼大嚼有如斃肩美終南進士鍾先
生茶壘後身毋乃是阿妹遠嫁思髯兄餽以鬼腊薑
桂烝小槽酒滴魍魎血風腥迸出玻璃甕先生捧腹
眞笑倒臣朔經年未嘗飽貧鬼伶俚髓已乾富鬼癡
肥骨且好烏紗象笏綠革靴朦朧醉眼顏微酡慈心
漸欲皈維摩揄一任來撻搓吁嗟今世鬼更多先
生不食將奈何

爲內監試蔣玉峰司馬題主司汪醑卿太史奎
宿堂圖次東坡先生監試呈試官韻並呈兩
主司及陳岱雲鄧厚夫兩太守

君才富無窮萬斛積高廩詞源湧泉峽夙慧擅天稟
同官識君面屈指將十稔醪如公瑾醑心醉不須飲
分箋索賡和力怯汗流藩性靈自有詩那識司空品
年華感駒隙世事付苒荏平生古戰場五色目難審
四度謬分衡濫竽毋乃甚西江盛文翰多士誇奪錦
章羅失宗派金盞雜粗礫却笑學步反類跛者蹠

使臣秉玉尺遺珠常凜凜搜山採梗楠淘水挾泥淦
願隨鳳棲桐勿效鳩食甚歐梅出新咏餘子皆歛衽
披縉寫奎宿星聚見兆朕太史繪圖並題句其上主
司汪衡甫光祿亦題和焉
東坡老監試佳話定傳諗元龍湖海才調韻若烹飪
岱雲太守首我詩祝強楚小國江黃沈要當避三舍
和東坡詩韻
屏息解鞍寢回思矮屋人意匠逞鏤鏤白袍如立鵠
霜重口鉗噤吾儕壁上觀且覓北窗枕

爲諸葛莘臣大令題廬山烟雨小幀

圖係汪莚卿太史繪

聯

千役過東林未識入山路遙望五老峯積雪在高樹
妙筆見倪迂千里縮尺素濛濛烟雨中李白讀書處

秋闈卽事和內監試蔣玉峰司馬韻並呈兩主
司及分校諸公

蘭膏焰焰玉蟲煎四度秋簾看月圓世上豈無題柱
客剗中猶有轉輪仙鬢絲蕭瑟仍令我花樣翻新異
昔年魚目驪珠都在手問君孰取孰拋捐

粉牆重認舊時題此地登瀛有玉梯叢桂未招秋士
隱高槐已與遠山齊東西房前皆植綠槐文壇五色誰騰鳳筆

力千鈞欲貫犀落紙樓頭紛似雪萬人翹首望中迷
煎茶佳話繼歐公鬪韻傳箋燭影中老眼久迷三里
霧才人願借一帆風斗垣劍氣森森紫鳥篆硃書字
字紅卻笑金針何處度嫁衣屢作事匆匆

不到蓬萊便謫凡朱衣左右若臨監荒莊我愧傳心

鉢下第一人憐破幅衫

東坡次韻答袁公濟詩相見南新道青衫垂破幅

門下

李桃分種子詩中樓閣現華嚴

同校林星航明府爲司馬令嗣申甫太史

門生今星航所得士可謂門生門下見門生矣

星輶自有珊瑚網千佛經前

署玉衡

題德硯香運判焦山放鶴圖

鶴壽不知幾千載鶴塚留銘鶴仍在華陽真逸伊何
人書法酷似王右軍或爲顧况或宏景至今聚訟猶
紛紜江山無恙天寥廓後來鶴卽當初鶴浪說樓頭
崔灝詩太白仙才不敢作硯香吾友元龍豪意氣直
欲吞金焦雲臺海嶠得雙鶴神物豈受籠絲絛扁舟
繫纜江心嶼道士攜琴張伯兩老僧支遁證前身香
雪林中看鶴舞梵界三千天女花怒潮十萬雷門鼓
此情此景如登仙青衫縞羽同蹁躚會當泠然御風

去放鶴招鶴蓬萊巔黃華道人江海客石谷石濤傳
手澤豈惟繪水能繪聲畫鶴畫出鶴魂魄潤州圖經
在胸次萬里江天絹一尺浣花翁去詩律麤王宰誰
題山水迹自然菴裏借庵僧話舊曾翦西來燈

詩僧借庵

自焦山移錫揚州西來庵閩仙有句爲君誦窗外老鶴聲疑膺

題同年周子愛尊甫青崖先生遺照

劍江耆舊濂溪裔孝弟力田世科第有子軼羣鄴下
才賢書與我登同歲絳虬潛壑空養鱗黃鵠摩霄屢
凋翅踳躑廿載霜滿頭眉宇猶帶風雲氣嗟余奉檄

來豫章漸漸白首如馮唐終南不識捷足徑村女豈
諳時世妝羣兒紛紛互援繫冰山自恃無炎陽勞君
展齒過窮巷傾吐肝膽生光芒君家尊公有遺像手
燕辦香一瞻仰傳神定屬虎頭筆頰上三毫亦疎朗
垂髻侍婢頗知詩繞膝雛孫纔脫襁澄山木落龍湫
寒中有精舍竹萬竿德夫文苑曼碩史青箱百卷羅
叢殘何時划棹曲江去隔籬呼酒魚登盤元亭丰澤
藏瑤笥奇字從頭子細看